



БАЙРАМИНГИЗ КҮТЛУҒ БЎЛСИН, ДЎСТЛАР!

Бутун дунё пролетарлари, бирлашингиз!

ТОШКЕНТ ОҚИШОМИ

Ўзбекистон Компартияси Тошкент шаҳар комитети ва халқ депутатлари шаҳар Советининг органи

Газета 1966 йил 1 июлдан чиқа бошлаган.

№ 226 (6.147)

1986 йил 6 ноябрь, пайшанба

Баҳоси 3 тийин



ЗАФАРЛАРИМИЗ СЕНГА, УЛУҒ ОКТЯБРЬ!

Октябрь—менинг тақдиримда

ШУКРОНА

Ишчи аҳли айниқса самимий бўлади. Ўз сафига қўшилаётган ёшни ҳамisha зўр қувонч билан кутиб олади. Унинг уялиб-негизига йўл қўймайди. Дарҳол ўртада савол-жавоб бошланади. Қисқа танишувлардан сўнг янги ҳамкасбга иш жойи кўрсатилади. Меҳнатда суяги қотган бирон киши уни ўз оталигига олади. Устозлик қилади.

Менда ҳам худди шундай бўлган. Орадан роппа-роса 37 йил ўтган бўлсада, ўша кунни худди кечагидек эслайман. Устозим Абдушукр Қодиров (кейинчалик у кишига Социалистик Меҳнат Қаҳрамони деган унвон берилди) менга:

— Заводимиз Октябрь революцияси номи билан аталади. Бу номини нақадар муқаддаслигини сенга тушунтириб ўти-шимнинг хожати бўлмаса керак. Заводни қадрла, номини ҳамisha улуғла, — деган сўзларни айтиди.

Устозимдан эшитган бу гаилар бир умрга хаёлимда муҳрланиб қолган. Ҳар гал шу санага бағишланган байрамга тайёргарлик қўриляётганда бу сўз масъу-лиятини янада чуқур ҳис эта бошлайман.

Меҳнатининг қадрлиниши балки шундан бўлса ҳам ажаб эмас. Бир неча медаллар ва фахрий ёрлиқларни олиш-га муяссар бўлдим. Ўтган йиллар мен учун чинакам улағиш йиллари бўлди. Одий ишчиликдан мастерлик даражаси-гача кўтарилдим.

Инсон ҳамisha олға интилади. Ҳаё-тимдаги ҳар бир қувончи воқеа менда катта масъулият ҳиссини уйғотади. Шун-га яраша меҳнат қилишга интиламан. Ойлаимиз чинакам бахтли оила. Фар-зандларимиз аҳли ота-онани меҳрибон. Дастурхонимиз тўкин-сочин. Турмуши-миз фойдали. Бу ҳаммаси Октябрь бер-ган бахт туйғайди. Ҳар гал ишдан уйга қайганимда қалбимда қандайдир қон-қиш ва мамнуният ҳисси пайдо бўлади. Бу замонага бўлган шукроналик туйғу-си. Фаровонлик белгиси, Октябрь билан тугилган туйғу.

Т. ЗОИРОВ, Октябрь революцияси қомандиги Тош-кент тепловоз ремонт заводининг вете-ран ишчиси, коммунистик меҳнат зарб-дори.

НУРЛИ ИСТИҚБОЛ

Улуғ Октябрь социалистик революцияси бу — энг ав-вало зулм тахтларини парчинлаб ташлаган, машғаласи бутун рўйи заминни ёритган, истиқболимизга ҳам энг таратаётган тарихий воқеадир. Бизнинг авлод шу улуғ революциянинг шамолларини симириб, Ленин йўлини дилга жо этиб камол топди. Бошқа авлодлар ҳам, бундан кейин келадиган насллар ҳам унинг ҳаётбахш йўлларини жон-дилга пайванд қилиб, социалистик жамият тарақ-қиёти, мустақамлиги, одамларнинг ҳам маънавий, ҳам моддий фаровонлигини оширишга бу йўллардан қўч-қудрат олажак. Тарих олдида ўтган салкам етмиш йил машғала қаршидаги мисли шамдек гап. Бироқ бизнинг мамлака-тимиз учун, қолаверса республикамиз учун бу мўддат аср-лар ҳал қилмаган оламшумул масалаларни амалда кўрсатиб берди. Ўзбекистонимиз бошқа қардош респу-бликаларнинг бузилмас оиласида камол топди, қад ростлади ва мана бугунги кунда кўксиди тоғдай хирмонлар, бўй-бастини намойиш қилиб турибди.

Революция менга нима берди? Революция менинг тақ-диримда қандай роль ўйнади? Бу саволлар сал эскирган-дай туюлса-да, бироқ уларнинг моҳияти ўша-ўша. Мен, Ҳалқим, бекиёс мамлакатим учун ҳамма нарға Улуғ Ок-тябрь социалистик революцияси туйғайди қўлга киритил-ди. Бизга илгарилари бир кишининг савод чиқариши катта воқеа бўлиб туюларди. Ҳозирги кунда ҳамма саводхон, етти ухлаб тушимизга кирмаган, биз тушунмаган комп-ютерлар болаларимизга, невараларимизга ўйинчоқдай гап. Улар ҳамма нарсани тушунади, ҳамма нарсига ақллари етади.

Революция бугун ҳам давом этмоқда. Кишиларимизнинг онгида, маънавиятда, кўнгилларида, бутун мамлакат меҳ-наткашлари амалга ошираётган эзу ишларда, қайта қу-ришнинг жонбахш натижаларида давом этапти бу рево-люция. Тўғри, яқин ўтмишда республикамиз ҳаётида рўй берган салбий ҳодисалар ҳаммаимизни ҳижолатда қолдир-ди. Бироқ биз қараб ўтирмадик. Ўзбекистон Компартияси Марказий Комитетининг XVI пленумида тараққиётимизга ҳалал бераётган иллатлар фойш қилинди. Қўзғолмачилар, порахўрлар, техникўрларнинг авра-астари очиб ташланди. Бугунги куннинг вазифалари ҳам шу. Ҳар соҳада, ҳар бир ишда софлик ва ҳалолликни қарор топтириш, ҳалол меҳ-нат қилиб ҳалол ҳол кечирилган иборатдир. Бугунги кун-да бизнинг бефарқ бўлишимизга ҳақимиз йўқ. Чунки шу жамият бизники экан, тинчликпарвар шу сўбат бизники экан биз лоқайд қараб турмаслигимиз керак. Дунё халқ-ларининг тилағи ҳам шу: Тинчлик. Бас шундай экан биз ҳам Улуғ Октябрь социалистик революцияси туйғайди эришганимиз — оқсуда замонамиз, фаровон ҳаётимиз учун жон чекмоғимиз, ҳеч бўлмаса эзгу ниятларимиз билан Ер юзиди тинчлигини сақлаб қолишга маддакор бўлмоғимиз зарур. Ҳалол меҳнат қилиб, ҳалол яшашимиз, жамияти-миз пойдорлигини мустақамлашимиз керак.

Коммунистик шанбаликлар маблағи ҳисобига

Сергелиликларга тухфа

Бундан йигирма йил му-қаддам, зилзиланнинг даст-лабин кунларидаёқ бўлгуси йўлдош шаҳарчага бу ерда янги Сергели массивини бар-по этиш учун ҳарбий қурув-чилар келишган эди.

Ўша кунларда, ер ости силкинишлари бўлиб турган пайдада одамларнинг тезроқ уйли-жойли қилиш учун оддий, бир қаватли йиғма уйлар жалад суратлар бил-дан қурила бошланди. Бугун-ги кунда сергелиликлар янги массивнинг барпо бўлишига ўз меҳнати ва қалб қўрини бахш этган ҳарбий қурув-чиларнинг, қардош республика-лар вакилларининг номлари-ни миннатдорчилик билан эс-қилди.

Сергели бугунги кунда ўзининг янги макрорайонла-ри билан кўкка бўй чўзди, ободонлашти, тақрирланмас ўзига хос қиёфага эга бўлди.

(БҲҒҲҲ)

17-кварталда райондаги биринчи стационар даволаш муассасаси — 10-туғруқхона фойдаланишга топширилди.

Киевлик архитекторлар сергелиликлар учун закона-вий бино лойиҳасини тайёр-лаб беришди. Уч қаватли «Г»-симон бино энг янги медицина анжомлари билан жиҳозланган. Бу ерда она-лар ва чақалоқлар учун бар-ча зарур нарсалар бор.


— Туғруқхона коммуни-стик шанбаликлардан тушган маблағ ҳисобига қурилди, — дейди район соғлиқни сақ-лаш бўлими мудири С. В. Алимов.

Дарҳақиқат, бош пудратчи «Главташкентстрой» 3-трес-тининг 5-қурилиш бошқар-маси ишчиларига ёрдам кўр-

сатиш учун объектга район-даги барча даволаш муас-сасаларининг ҳодимлари ке-лишди. Булар — 37-поли-клиника, 13-шаҳар касалхо-наси, 17-болалар поликли-никсининг врачлари ва ҳам-шираларидир. Улар ВАЗлик-лар ташаббусига амалий иш билан жавоб бериб, туғруқ-хона қурилишига муносиб ҳисса қўшилди.

Эндиликда эски туғруқхона болалар касалхонасига ай-лантирилди. «Главташкент-строй» 3-трестининг 5-қурилиш бошқармаси бино-корлари туғруқхона яқинида бир кунда 850 кишини қабул қилувчи олти қаватли поли-клиника биносини қурилишини ниҳонсига етказишяпти. Уни шу йилнинг тўртинчи квар-талида фойдаланишга топ-шириш режалаштирилган.

М. МУРОДОВ, В. ЭНКЕР.



1. Октябрь қуёши

Дунёда неча асрлар ўтар, дарёлар мангу оқаверади, шаҳарлар келажак навқирон наслларнинг таржиман ҳоли-га буюк тарихий воқеаларнинг буюк са-наларини битар, ҳаёт ҳам абадул-абад давом этар... Бу абаднинг бутун бор-лиги буюк қуёш нурлари билан, мангу эиёлари билан ардоқлангандир. Бу қу-ёшнинг заррин эиёлари ўчмасдир. Чун-ки, бу қуёш Лениннинг кўнглидан, зук-ко нигоҳидан миллионлар қалбига шу-лалар таратгандир. Бугунги порлоқ ҳаё-тимизнинг ипак нурлари ҳам айнан шу

қуёш нурлари ила пайванддир. Шунинг учун биз зулм занжирларини парчин-лаб, Улуғ Октябрь социалистик револу-циясини амалга оширган қаҳрамонлар номини мангу хотирлаймиз. Улар хоти-раси олдида абадий таъзимдаимиз. Зеро, улуғ иш учун қурбон бўлганлар хотира-сининг ҳам буюк тарбиявий аҳамияти бордир. Комиссарлар нигоҳидаги, ўт-юррак революционерлар манглайдаги нурлар бизнинг кўнглимизни ҳам ман-гу ёритажак...

Улуғ Октябрь социалистик революцияси бу — энг ав-вало зулм тахтларини парчинлаб ташлаган, машғаласи бутун рўйи заминни ёритган, истиқболимизга ҳам энг таратаётган тарихий воқеадир. Бизнинг авлод шу улуғ революциянинг шамолларини симириб, Ленин йўлини дилга жо этиб камол топди. Бошқа авлодлар ҳам, бундан кейин келадиган насллар ҳам унинг ҳаётбахш йўлларини жон-дилга пайванд қилиб, социалистик жамият тарақ-қиёти, мустақамлиги, одамларнинг ҳам маънавий, ҳам моддий фаровонлигини оширишга бу йўллардан қўч-қудрат олажак. Тарих олдида ўтган салкам етмиш йил машғала қаршидаги мисли шамдек гап. Бироқ бизнинг мамлака-тимиз учун, қолаверса республикамиз учун бу мўддат аср-лар ҳал қилмаган оламшумул масалаларни амалда кўрсатиб берди. Ўзбекистонимиз бошқа қардош респу-бликаларнинг бузилмас оиласида камол топди, қад ростлади ва мана бугунги кунда кўксиди тоғдай хирмонлар, бўй-бастини намойиш қилиб турибди.



Рассом М. Аъламов чизган плакат.

Миннатдорчилик рамзи

В. И. Ленин Марказий му-зейининг Тошкент филиали шаҳримиз снсий ва мада-ний воқеаларининг кўзгуси. Бу муқаддас даргоҳ Улуғ Октябрь социалистик рево-люциясининг шонли 69 йил-лиги кезларига эиёратчилар билан, айниқса, гавжум.

Ҳаммамизга маълумки, музей 1970 йили В. И. Ле-нин тугилган кунининг 100 йиллиги муносабати билан очилган. Мана шу давр ичи-да музей фонди килма-хил, диққатга сазовор бўлган экспонатларга бойиб бор-моқда. Музей залларини то-мола қилар эканмиз, ундаги ҳар бир ҳужжат, суратлар доҳийнинг номи ва ҳаё-ти билан чамбарас боғлиқ эканлигининг шохиди бўла-миз.

Музей фондида факатгина эски ҳужжатларгина эмас, балки ҳозирги кунда ишлаб чиқариш бирлашмалари, за-вод ва фабрикалар, илмий-техник ширин институтларнинг қўлга киритаётган ютуқла-рини ҳикоя қилувчи мате-

риаллар ҳам мужассамлан-ган. Бундан ташқари фонд-нинг аччагина қисмини чет элдан келган меҳмонлар ва иттифоқимиз меҳнаткашлар-нинг музейга тақдим этган совғалари ташкил этади. «Меҳнаткашлар, меҳмонлар ва делегациялардан В. И. Ленин музейига совғалар» кўргазмасига қўйилган экс-понатларда халқимизнинг улуғ инсомига бўлган муқаб-батларининг самимийлиги ифодасини кўрамиз. Бу кўргазмада намоийн этил-ган совғалар фонднинг бир қисминини ташкил этади, холос.

Музейимиз фондидан шу кунларда яна бир неча ноёб экспонатлар фахрли ўрин эгаллади. Тошкентлик пен-сионер Н. С. Гаврилова му-зейга В. И. Лениннинг қўян-дан қўйилган ҳайкалининг совға қилди. Бу ҳайкал 1923 йилда В. И. Ленин ҳа-ётлигида иланган дастлаб-ки ҳайкаллариандир. Устизов шаҳридан келган бир группа туристлар музе-

йимизни эиёрат қилдилар. Улардан бири Алевтина Ива-новна Васева заллардаги ҳар бир экспонат эиётборли қилиб кўрсатилганлигини гувоҳи бўлди. Бу аёл ўзи учун қимматли бўлган, мар-ҳум турмуш ўртоғи, Удмур-дистон АССР халқ рассоми Монард Михайлович Васев ишлаган юбилей медалини тақдим этиш ниятини наҳор қилди. Яқиндагина почта орқали Алевтина Иванов-нинг совғасини олиб жула қувонди. Бу юбилей меда-ли В. И. Ленин тугилган кунининг 100 йиллигига ба-ғишлаб иланган бўлиб, музейимиз тарихи учун ноёб экспонатлардан ҳисоб-ланади.

Умуман, музейимиз фон-дидан жой олган меҳнаткаш-ларнинг совғалари уларнинг буюк инсонга бўлган ҳексиз миннатдорчиликларни рамзи-дир.

О. ЭПОНХОНОВА, В. И. Ленин Марказий музейи Тошкент филиали ходими.

Пахтакорга мададқормиз

ХИММАТ

Тошкент трамвай-трол-лейбус бошқармасидан бор-ган 125 ҳашарчи ҳозир Тош-кент область Беюбод рай-онининг «Ленинград» сов-хози даладарига пахта то-япти. Уларга совхознинг Эриғити Етмишев бошлиқ бригадасиди пахтазорлар бириктириб қўйилган. Бу бри-гада коллектив 65 гектар майдоннинг ҳар гектаридан 25 центнердан ҳосил кўта-

ришга аҳд қилиб, меҳнат қилмоқда. Бригадининг йил-лик план ҳозир 80 процент-дан ортиб кетди. Электр транспортчилар ҳар кун ичирмонга 2,5—3 тоннага етказиб «оқ олтин» тўкишмоқда. Ҳашарчилар ўр-тасиди пахтазорларда М. Да-дажонов, А. Жуматов, Б. Ҳамидов, А. Раҳматуллаев, Қ. Ҳайдаров каби-лар нешқадамлик қилишп-ти. Улар 95—100 килограмм-га етказиб «оқ олтин» те-ришяпти.

Совхоз маъмурияти ҳа-шарчиларнинг унумли меҳ-нат қилиши ва дам олиши учун барча шароитларни яратиб берган. Ҳашарчилар фойлияти «Нақмоқ» ва «Ком-сомол проектори» деворий газеталарида ёритилиб ту-рибди.

Ф. АБДУРАХИМОВ.

ОҚ ОЛТИН — ПАХТА

Республика областларида пахта тайёр-лашининг бориши тўғрисида шу йил 5 ноябрга булган

МАЪЛУМОТ		
(Планта нисбатан процент ҳисобида)		
Биринчи устуи — областлар; иккинчи устуи — бир кунда тайёрланган пахта; учинчи устуи — мавсум бошидан буён.		
ФАРҒОНА	0,59	102,26
ТОШКЕНТ	0,54	101,87

Сурхондарё	0,89	93,47
Наманган	1,00	92,76
Сирдарё	0,75	90,54
ҚАССР	0,81	87,18
Хоразм	0,58	81,71
Андижон	0,99	78,60
Жиззах	0,79	74,53
Бухоро	0,30	72,92
Самарқанд	0,71	71,80
Навоёв	0,52	58,21
Қашқадарё	0,56	55,51

Республика бўйича: 0,70 82,26

